



Ein Badner in Mainz

Sonderausgabe zum

Fünffährigen Jubiläum

2004 – 2009



Lievi Léser,

langi Johr bet-sich dr Héchtsemer Humpelndi Bot in dr Diaschpora durichgschläge, bis am 23. Októwer 2004 sin glórricher Daag kumme isch un er als „E Bádner z Mainz“ sini Widergeburt gfüert het. Als kleini Tekschtli, wú in E-Mails verschickt worre sinn, het des ángfange, wás finfeáchtzig Üsgáve lang e größer Bútrág zer hüümórvolle Velkervrständigung nit blóß am Rhii, sondern spéter au in dr große wite Welt, in Finnland, Itálie un Póle gsii isch – e Velkervrständigung ganz im Sinn vun dr bádisch-lieverále Art. Fünf Johr isch des hit hér; un des mécht dr Bádner mit sine Léser füre. Un wil-er seller Wég nit ellei gange isch, werfe fir Eich, lievi Léser, dr Bádner un dr Pól zämme als dissonants Düett e Blick uf d vrgangeni fünf Johr un fasse nomól mitere Zung, wú nix án Schärffi vrlóre het, zämme, wás in dere Zit alles Wiechtigs, Luschtigs, Trüürigs un Peinligs passiert isch. Dr Bádner un dr Pól wínschen-Ich viel Spaß bim Lése un Noschtalgiere.

de Bádner
dr Bádner

de Pól
un dr Pól

E Ruckblick uf 5 Johr „Bádner“

2004

Októwer 2004: D erschti Üsgáb vum „Bádner“

MAINZ (bad). D erschti Üsgáb vum „Bádner z Mainz“ erschiint am 23. Októwer 2009 un wird als blutti E-Mail an zwei Händ voll Léser vrschickt. Noch isch nónit klár, wér meh Problém het: dr Autor bim Schriiwe oder dr Abonnent bim Lése. Aber au dr Mainzer Dóm hänn-si nit án einem Daag baut...

November 2004: Erschti Reaktioone

ÄFRIGE-CHILCHE (pol). Nu sinn scho drei Usgoob vum „Badner“ erschyne; und der Pol verstoot immer no nig Niideralemannisch. D Luutverschiebige mache ihm am maischte z schaffe. Wenigstens hät der Pol sich wägem Spruch fir d Wuch immer uf dr Badner freue kenne.

Dézetember 2004: Natürkataschtróphe im Oberrhiidaal

EIMELDINGE (bad). Schwéeri Natürkataschtróphe erschittere s Oberrhiidaal: Z Eimeldinge git-s kei Stróm meh. Vielen Famielie, au die vum Bádner, sinn zwunge, im Kerzelicht zämme Brettspiel z spiele. Zem Glick goht aber ball wider s Liecht un dr Fernséh án. E paar Daag spéter git-s z Otterbach e Erdbéwe. Dr Bádner isch dr einzigscht, wú-s merikt; aber niemez glaubt-s-em, wil-er stockbsoffe isch.

2005

Jänner 2005: D Dütschi Bundesbaan

MAINZ/ EIMELDIGE (pol). Selbscht dr Badner mues Baan faare; woorschynts hält sich syy Dienschtwaaage im Urlaub uf. So erfaart au der Redakteur, wie schnell es goot, mit der Baan mitem groosse D vorm B. Selli Gschicht hän dr „Badner“ erscht richtig unterhaltsam gmacht, vor allm wil me selbscht nit anderscht erläbt hät mit der „D vorm B“.

Fewrüar 2005: Not Welcome, Mr Bush

MAINZ (bad). Dr amerikánischi Präsident George Walker Bush bsuecht d Gueteberigstadt. D Mainzer empfangene freidig mit spontáne Stróbfescht uf dr leere Autobahne rund um Mainz – zmindescht selli, wú üs dr gesperrte Inneadt rüskumme un nit in zuegschweißte Gullideckel feschtstecke. Dr rhiland-pfälzische Finanzminister Gernót Mittler stellt spéter bü dr Umsatzrechnung vum Bsuech e kleiner Fehlbitrag vun 1,2 Millióne Euro fescht.

März 2005: Zollfrei

RIECHE (pol). Wie bstimmti Regierendi in andere Noochberländer, woo uf mathematisch quadratische Wurzele oder Tod bistöön, bistoot s Land Bade mit Wirttemberg uf e Zollfrei quer dur dá Wald – oder dá Tod. Sunscht kunnt gar nit in Froog; und vo Type, die uf dá Baim hocke, wird me sich sicher nüt usreede loo und dá Baim scho d Wurzele zieh.

April 2005: Habemus Papam

ROMA (bad). Gaudi maximum im Vatikan un in Bayern: Dr neii Pápscht isch e Katholik! Des kummt im erkonservative Bayern super án – un zue allem Iewerfluß isch dr Benedikt au noch e Ditscher. Des freit sógar d Bild-Zitung, wú glich alli Ditschi zue Pápscht erklärt. Dr Zentrálrót vun dr Juede vrklägt dr Axel-Springer-Vrlág dódrufhieni wege Vrstóß ufs Grundrecht vun dr freie Religiónswahl.

Mai 2005: Studänteläbe

BAASEL/ MAINZ (pol). Dr Pol hät als NW (Nadurwisseschaft nit Nidwalde) -gschtrásste Studänt endlig e gewisse Gnuegtueig, noochdäm er weiss, dass der Badner es Zitle au frie uffstoo mues – und sell ass Redaktor bym Raadio.

Jueni 2005: Helden leben lange – doch Legenden sterben nie

SCHIPKAU (bad). 120.000 Mensche vrabschiede-sich ufm Lausitzring vunere einzigartige Rockband: 25 Johr lang sinn d Böhse Onkelz ihr „langer, langer Weg“ gange; un vielen Fans sinn ihne gfolgt als „Kneipenterroristen“ un „Könige für einen Tag“ durich „die Straßen, wo Freunde untergehen“, bis ins „Land der Illusion, im Universum Deiner Wünsche, in einer andern Dimension“, hänn zämme „Auf gute Freunde“ trunke, sinn mit ihne mutiert, hänn ihne d Händ greicht, fliege glehrt – un sinn Legendi worre.

Juli 2005: Europäischi Verfassung

BRUXELLES (pol). Noochdäm sich ainigi Länder entschiede hán, mol Politik wie d Schwyz z fiere, und sich uf Volksabstimmige igloo hán, isch d europäischi Verfassung ganz de Bach nab. Wil d EU-Birger überhaupt nit gwoont gsi sin, iber Theme statt iber Parteie abstimme, sinn sie derby bliebe, woriber si sunscht abstimme därf. Somit hán si nit kapiert, dass s Referendum nüt dermit zue due hät, dá Chirac abzwäale.

Auguscht 2005: Tervetuloa Suomeen

TURKU (bad). Dr „Bádner“ wird globál: Mit 16 Kielo Iewergwiecht macht-er-sich uf in dr Hóche Norde, wú er vier Mónet lang vun dr Saune un Vodkapartys vun Finnland, Schwéde, Lappland, Éschtland un Rübland biriechte wird. Noch weiß-er nit, wás-ne alles erwárte wird – aber ér weiß: *Sisulla kuitenkin ottaa iisisti* – mit *sisu* nimmt-ma-s einewég licht.

Septämber 2005: Wahl Watching

BERLIEN (pol). Bundestagswahl in Dütschland: Jetz isch d luuperaini Demokratie in Ditschland endgiltig hii. Defir isch es jetz s Maidli, woo regiere därf, zum erschtmool und nit zum letschtmool. D nächschte Joor gits e groose Konkordanz (Koalition), wie sunscht numme in der Schwyz.

Oktober 2005: E Pol in Baade

ÄFRIGE-CHILCHE (pol). Dr Pol fiirt sin Caming-Aut; er hät endgiltig dr Schnaabel nimme halte kenne und hät s em Baadner glychdoo. Ab jetzt isch dr Badner kontrastricher: Em konservative traditionsbiwusste Redaktionsleiter stoot jetz e linksliberaler traditionsloser offener Gaist als Mitarbeiter zur Verfigig. Ab jetzt isch dr Badner schwarz-wyss statt numme schwarz.

November 2005: Lappi

INARI (bad). Dr Bádner vrbringt sechs Daag in Lappland un kämpft-sich vrbisse gége dr iiskalte Weschtwind durich dr méterhóchi Schnee in dr immerfinschtre Polárnácht. Ér lehrt, wie-ma d Réndierli per Biß kaschtriert un wórum nócheme Bád im Iisloch blóß noch dr Salmiakki helfe kann.

Dezämber 2005: Suomi A:sta Ö:hön (Finland från A till Ö)

TURKU (pol). Am Änd vum Joor bringt dr Badner syne erschte briemte Usgoob im Alfabet-Format. Vun Alpha bis Omega ergläärt er aim Finnland unterhaltsam und spannend, so dass sogar dr Pol bigaischtert isch.

2006

Janüár 2006: Gasprom

KYIV/ MOSKVA (bad). Dr rüsisschi Bär macht ernscht un drillt zem Neijohr dr Ukrain dr Gáshahne ab. D Üswirkunge gspiirt ganz Mitteleurópa: In Éschterrich zem Bispiel mien viel jungi Maidli im Keller drei Daag lang friere. E Schwizer Ekschpertetteam findet rüs, daß d Ukrain tátsächlich Gás abzapft, wú fir Mitteleirópa bstimmt isch – s Untersuechungsergéwnis vrschwindet aber imene Nummrekonto. Zwei Daag spéter schribt dr ditschi Altbundeskanzler un Gazprom-Spézi Gérhárd Schröder án sin LuepedemokrátEFRind Putin e Baschta-Telegramm; un die Sach isch klärt.

Hornig 2006: Laudaatio zer 50. Usgoob

MAINZ (pol). So schnell goot das; kuum versiet me sich, schon isch dr Badner fimfzig und kai bisschen weise oder weiser. D Laudatio erhält er vum briemte Literaturkritiker Milosz Reich-Halicki, der au diesen Preis nit annimmt.

März 2006: La Dotta, la Grassa, la Rossa

BOLOGNA (bad). Dr Bádner fangt sin Stuedium án dr älteschte Üniversitàt vun Eirópa án. Aber án dr Alma Mater Bononensis findet-er-sich nit wirklich zrècht: D Kurs, wú-er-sich iigschriewe het, sinn alli schun rum oder hère nóch e paar Wuche wider uf. Zem Glick fangt wénigschstens ball d Fueßball-WM án. Dr Bádner stigt uf dr Torre degli Asinelli, dr hundert Méter hóchi „Schiefi Turm“ vun Bologna, un erfahrt vun dr Bolognéser, daß-ma sin Stuedium nimmeh fertigbringe wird, wemm-ma vórem Abschluß uf dr Turm stigt. Dr Bádner stigt noch sechsmól uf dr Turm – dr Vater het-s jó.

April 2006: Luuperaini Demokraate

MINSK (pol). Und scho wieder hán mir e luuperaine Demokrat am Haals, diesmool wool uf ewig, denn d nächscht Waal bruuchts sicher nimme. Lukaschenko forever!

Mai 2006: Arrivederci, Berlusconi!

ROMA (bad). Reisi nöch Jerusalem im italienisch Parlament: Dr nei Minischerpräsident heißt Romano Prodi. Mitere huchdinne Mehrheit vune paar Stimmi wird-er sögar fascht d Hälfli vun dr Législatürperiód regiere kenne. Dr Berlusconi will-sich ab jetz sinere Sängerkarrier widme un Krankehieser baue. Ér sait „Arrivederci!“ „Uf Widersähne!“ un meint des wertlig.

Juni 2006: Weltmeischer vo de Härze

BERLIEN (pol). Jaa, Fussball goot au anderscht, das bewyse d Dytche by sich dahei. Gaschtfrindlig wie nie, so gaschtfrindlig, dass sie im Halbfinal sogar d Gäscht gwinne leen und somit als Weltmaischer vo de Härze ind Gschicht igeen, während sich d Gäscht im Final d Biire mit Matratzen (Materazzis) waichschlööen.

Juli 2006: 200 Johr Både

KARLSRUEH (bad). Både fiert sin 200. Geburtsdaag. S ganz Ländli, vum Bódesee bis zem Neckar, vum Rhii-knie bis zer Tauwer, strahlt zem Feschtdaag in Gääl-Rót-Gääl. Alli Mensche sinn uf dr Stróße un fiire zamme friedlig un üsgloh s bádischi Freidenkertuem, d bádischi Gmietligkeit, dr bádischi Wii un d schéni bádischi Heimet. S Bundesvrfassungsgriecht z Karlsruhe erklärt réchtzig zem Jubiléum d Wahl anne 1952 fir úngiltig un dr Zwangsstaat Både-Wirtemberig fir ufglést. Dr Gróßhézóg empfangt Gäscht us dr ganzi Welt, au usm schwèwische Üsland. Dr „Bádner“ schribt d Feschtrédi.

Auguscht 2006: Suuri Gurke

ÄFRIGE-CHILCHE (pol). Do hän mir wieder es Summerloch oone Badner; der Pol kriegt scho Entzuugserschynige und weiss nit wie d Zyt totschoo. Villicht sott er mool fir d Priefige leere – ah stimmt! doo isch ja no eppis gsi: Als Studánt hät me ja no Verpflichtige in der vorlesigsfreie Zyt.

September 2006: Worscht, Weck un Woi

MAINZ (bad). Nöch vierzehn Mónet im Üsland kehrt dr Bádner wider uf Mainz zruck. Im neie Domiziel mit Sauna un Swimming-Pool wird-er ab jetzt wider live un ficht-frehlig us dr Eisgrub-Metropól birichte. D Iiwei-hungsparty in dr neie Wohnung wird vum Gróßteil vun dr Nóchbere bigeischtert ufgnumme.

Októwer 2006: Mit dem Zweiten sieht man besser

MAINZ-LERICHEBERIG (bad). Dr Bádner krempelt s ZDF um un kämpft gége s redaktionelli Spießertuem. Ér spezialisiert-sich währendr áchtwechige Üsbildung uf Katze un poschtnatáli Depressióne. Selbscht Opfer vun sinere schlimmschte poschtnatáli Depressión sit sinere Geburt wird-er bii dr traumátische Bigégnung midm Karl Dall in dr ZDF-Kantien. Riechtig Action git-s degége bim vrsteckte Dreh uf dr Kaffeefahrt, wú dr Bádner s Fluchtauto fahre derf.

Novämber 2006: Vettelsbutze

MAINZ (pol). Noochdäm dr Badner nu scho Joore in syner neie scheene Haimet verbroocht hät, will er endlig mool dervo verzälle und duets au unscheniert. Me bruucht numme s Billet nooch Mainz und e Stadtplan: Mit em Badner als Stadtfierer isch me perfekt usgestattet fir jeds Viertel und Viertele im Viertel, nábe so manch Gschicht, wo me erfäärt.

Dézember 2006: Rauchvrbot

BERLIEN (bad). Ganz Ditschland schnüüft uf: Dr bláui Dunscht het-sich endlig vrzóge iewer dr Bundesrepublik. Ganz Ditschland? Nei, e kleiner, standhafter Gsellschaftsteil, vór allem in Bayern un Nordrhii-Weschtfále, git nit uf. Er kämpft defir, daß jedem Mensche des alti ditschi Grundrécht zuestoht, daß-er selwerscht entscheide kann, ob-er ám Aktivrauche oder ám Passivrauche vrrecke will. Dr Wortfiehler vun dr Raucher, dr Altbundeskanzler Helmuét Schmidt, hueschtet dr Nitraucher ebbs.

2007

Jänner 2007: Kaunterschtreik

ERFURT (pol). Im „Badner“ erschiint aini seiner erfolgrychste Glosse: e Abgesang uff d hietige Wält mit ihre irreale Wälte am Computer und der Realität hit. Selli Glosse hät nooch dä dragische Eraignis diesjoor kai bitz aa Aktualität verlore.

Fewrüär 2007: Dr Gliebti Fiehrer

P'YÖNGYANG (bad). Dr gliebti Fiehrer vum letschte freiheitsliewende Staat uf dr Welt füert sin offizieller 65. Geburtsdaag. Milliöne vun Volkskoreáner stréme üs allene Landesteil in Hungermärsch zem nationále Größereignis in d Hauptstadt, wú-si vun dr dundernde Saluetschiß vun dr Atómrakétebase empfangen werre. Dr Généralsekretèr vum Zentrálkomitee vun dr Soziálistische Einheitspartei vun Ditschland, dr Érich Honecker, gratüliert per Telegramm em sozialistische Bruederdeschpót. Zer Fieer vum Daag git-s koschtelóse Hinriechung in der Árwetsláger für d ganzi Bivelkerung un e Filmvórfiehrung üs dr privéate Pornosammlung vum Kim Jong-Il.

März 2007: Schwoobe-Preisse-Fischkopp-Tsunami

ZÜRI (pol). D gwälte Koalition in Dytschland schyynt unter kaim guete Stärn z stoo; und somit lauffe immer mee Dytsche in d sidlig glágeni Konkordanz, wo no Milch und Honig im Gryz uffm rote Boode fliesst. Laidersinn d Iwooner deert nit bsunders erfreit iber selli Tsunami usm Norde und frooge sich, ob me es Schwoobe-Preisse-Fischkopp-Tsunami-Friewarnsysthem ifyre sott.

April 2007: BILD Dir Deine Meinung

NEI-IESEBURIG (bad). Dr Bádner wird Opfer vume schwére Fall vun Menschehandel: Ér wird in dr Frankfurter Redaktión vun dr Bild-Zitung drei Wuche lang feschtghalte un mueß rassistischi Demietunge ertráge: „Sie sinn jetz in dr Bild-Redaktión – dó mien-Si Ihr bádischs Kleidenkertuem ablége.“ Selbscht vór dr Folter schrecke sini Peiniger zruck: Stundelang mueß-er nebe dr Redaktéri vun dr Klatschspalte hocke un isch ohni Ohreschutz ihre Deliphóngsprèch üsgsetzt. Dr Vrántwortligi für der Menschehandel, dr Úkrainer Miloschlawkoslibowitsch H., isch immer noch uf freiem Fueß.

Mai 2007: 60 Jahr Rhiiland-Pfalz

MAINZ (pol). Hitzdaags werre sogaar d Pálzer sechzig Joor alt – nadierlig numme mit de Rhyländer. Oone die wird sellis Land jo gar nit wyterbstoo und wár schoo längscht im Saarland igmaindet. Sell wár em Pol ass gebirtige Saarländer jedefalls rácht. Für d Gratulation zum 60. Giburtsdaag bekunnt er au kai Geld vo der Redaktion.

Jueni 2007: Dr Gipfel z Heiligedamm

BÁD-DÓBERAN-HEILIGEDAMM (bad). Ám Strand vun Heiligedamm quetsche-sich sibe Männer un ei Frau zem Gruppheft in dr Strandkorb. D ándri Bádgáscht hinterm Haag werre langsám úngeduldig un fange án, mit Stei un Flásche z werfe.

Juli 2007: D Vorletshti Usgoob vum „Badner“

MAINZ (pol). Dr Badner hät d Schnuure voll: Toleranz, Akzeptanz oder Respekt bekunnt er inzwysche vo syne erwachsene Leser nit gnuog. Somit entscheidet er sich, ab demnächst mit em Pol in Pension z goo und sich uff e scheene einsame Insle im Pazifik niderzloo. Hoffetlig stoot die bald nit au no dangg dr Klimaerwärmig unter Wasser. Sunscht muess er mit em Pol wieder zrug.

Auguscht 2007: Gammelfleisch

MINCHEN (bad). Mól wider macht e Gammelfleischskandál sini Rundi im Summerloch: Vun Minchen wird alts Fleisch uff Berlien gliiefert. Zwei Mónet spéter wird dr Ginther Beckstei sin Nóchfolger.

Septämber 2007: Gegesätzligi Pol

WARSZAWA (pol). No chdäm sich d knappe Koalition der Rechte in Pole dur Korruption und Stryt total usenanderregiert hät, löst sie sich endlig uff. D Pole dierfe nei wääle, was e ungläublige Erlychterig fir d Demokratie an sich isch und zum e Sieg vo der Demokratische Partei spöter fiert. Dr Slogan „Nimm der Oma dr Personaluswys weg“ (demit sie nit wieder rechtskonservativ wääle kaa), woo per SMS verschickt wird, hilft ungmäi. Inzwysche hät d Demokratische Partei e Korruptionsskandal am Hals.

Oktober 2007: D letschti Usgoob vum „Badner“

ERFURT (pol). Alles hät e Änd, numme d Wurscht hät zwai... Leider isch dr Badner kai Wurscht und somit endet er wool us finanzielle und zitlige Grind. No vor dr Wirtschafts- und Finanzkrise meldet er Zytinsolvenz aa. Schaade, d Wält hät es usserordentliches mainigsbildendes Medium verlore.

November 2007: Oswald Metzger

BIEWERACH AN DR RIB (bad). Dr báde-wirteberigischi Politiker Oswald Metzger wechselt mól wider d Partei: Ér vrabschiedet sich vun dr Griene un stellt dr Ántrág bii dr CDÜ. Ér hätt sich nimmeh wohl gfielt in sinere alte Partei, sait dr Herr Metzger – kei Wunder, mit só viele Vegetárier um sich rum.

Dezämber 2007: And the Winner Is..., Part I

LOZÄRN (pol). Es isch wieder sowyt: Fir d EM in der Schwyz und in Eschterrych werre d Gruppe usgloost; und d Pole flueche – scho wieder mit de Dytsche in ainer Gruppe. Wogege d Schwyzer sich freie, wyl sie sich vorher erkaufft hän, dass sie uf jede Fall nit uff d Dytsche traffe.

2008

Janüár 2008: Ypsilantismus

WIESBÁDE (bad). Patt noch dr Wahl im hessische Landtág: Dr Koch isch nónit weg un d Ipsilanti nónit dó. D letschteri wartet noch án dr Ampel, blinkt aber schun noch links. Wär-si blóß nit bii Rót gefahre – ma hätt ihre au vórhér ságe kenne, daß dér Únfall e Totálscháde git!

Hornig 2008: Madame le Président

PARIS (pol). Jetz isch es offiziell: D nei Première Dame vo Fran Grych isch dr Italieexport, s Topmodäll Carla Bruni. Ganz Fran Grych isch bigaischtert: So e Sexyfirstlady hät niemends. Selbscht dr Silvio isch ibernaidsch.

März 2008: Transrapid dr Bach nunter

MINCHEN (bad). D bairischi Regierung git dr Transrapid vum Minchener Hauptbahnhof zem Fluegháfe endgiltig uf. Dr Grund isch d Explosión vun dr Baukoschte uf drei Milliarde Euro, will d Regierung viel z schlampig gschaftt het un kei Ahnung het, wú des Geld iewerhaupt hätt hékumme solle. Dr Minischerpräsident Eduárd Steiwer kann des aber alles in zehn Minute erklère.

April 2008: Entra il Cavaliere

ROMA (pol). Und wieder hät es eiropäisches Land es Enfant terrible zugg. Dr unsterbliche mit Botox vollpumpete Berlo därf in synem korrupte Land es wytres Mool regiere. Jetzt stellt sich bloos d Froog: Wenn kunnt Margret Thatcher wieder, ooder?

Mai 2008: Fiiërdaagssinergie

BERLIEN (bad). Zem erschte Mól sit Menshegedenke falle Chrischti Himmelfahrt un dr Erschti Mai zamme. D FDP scheitert im Bundesrót midm Ántrág, daß des ab jetzt immer só sii soll. Dr ditschi Unternämmerverband isch entteischt. D Linke bschließt, der Daag ab jetz „Oscaris Himmelfahrt“ z nenne.

Juni 2008: EM 2008

BAASEL (pol). Ungläublig, was sich an der EM in der Schwyz abspielt. Aber d Schwyzer sinn no gressere Gaschtgeber wie d Dytsche und verliere alle Spiele usser aim und gäbe ihre Gäscht de Vortritt in d Viertelfinals. Während sich ungläublige Tirke bis in d letschte Minute in drei Spiel ins Halbifnal quetsche, gwinnt d unbesiegbare Lokomotive us Spanien immer mee Faart und dann au d EM.

Juli 2008: Vize

WIEN (bad). Ditschland wird mól wider Zweiter: Nóchere durichwachseni Vorrund un eme grandióse Viertelfínal, klappt d ditschi Mannschaft gége d únúfhalbári Spánier zämme. Em Bádner isch-s ganz récht: Er hätt-sich eh nit áme ditsche Sieg freie kenne, wil-er d ganz Náchte im Fiewertaum sin Bett vollschwitzt. Un die paar spánischi Hansel z Mainz mache bim Autocorso wénigschtens nit só viel Krach wie d Tierke.

Auguscht 2008: Olympia

BĚI-JĪNG (pol). Mool eppis andres, Olympische Spiel in em diktatorische Land. Hän mir des nit scho mool irgendwoo irgendwenn gha? Ah, doch: meermools sogaar. Was leere mir druus: Es isch nit alles Gold wo glänzt, oder?

September 2008: Kleini un Gróßi

ZIRICH/ HELSINKI (bad). Rieseufrégung bii dr WM-Quali: D Schwiz vrlíert deheim 1:2 gége Luxeburig; Ditschland hechelt in Finnland dr Gégetreffer hintenóch. Dr Ruedi Veller dáäd ságe: S git kei Kleini meh im Fueßball. Vielleicht git-s au ehnder kei Gróßi meh...

Októwer 2008: Volksheld

KETTMANNSDORF-LAMBICHL (bad). Trágischer Únfall bii Klágefurt: Nócheme Bsuech im Schwuelepuff kummt dr Jérg Haider vum réchte Wég ab un rást midm Auto in dr Tód: Sówohl d Gschwindigkeit wie au dr Alkoholghalt im Bluet sinn eiditig z hóch gsii. Kärnte vrlíert e gróßer Volksheld un stürzt in sini diefschti Kries, sit d Tierke s letschtmól vór Wien gstande sinn.

Novämber 2008: Yes, We Can!

WASHINGTON (pol). Yes we can, or yes due kannsch mich mool, Bush! Endlig isch d Ára vo de konservative alte Republikaner umme; und in Eiropa freit sich jeder iber neie Wind us Washington, wo me sich scho lang seenligscht winscht.

Dézember 2008: And the Winner Is..., Part II

DURBAN (bad). D Qualigruppe fir d WM 2010 werre úsglóst. D meischi Mannschafte sinn zfriede midr Gruppegégner. Éschterrich freit-sich erscht: Mit Frankrich un Litaué als Gégner hért-sich d Gruppe machbár án. Denn Entsetze bim ÖFB, wú au d Färér-Insle in d Gruppe kumme. Dr Sepp Blatter isch froh, daß midr lifiehrung vum Lösverfahre fir d Qualigruppe endlig d demokrátischi Reforme vun dr FIFA abgeschlosse sinn.

2009

Jänner 2009: Frankeuros

BRUXELLES (pol). D Eirozoone in Eiropa wachst unufhaltsaam; und der Pol freit sich scho, wenn der Eiro in der Schwyz zwangsigfiert wird, denn mues er nimme d ganze Zyt irgedweli Umrechnige mache.

Fewrüär 2009: Amtswechsel im Róthüüs

EIMELDINGE (bad). Eimeldinge het e neier Biergermeischter. Dr alti wird ime gróße Feschtakt vrabschiedet; s git Trène, Glickwísch un Wunderkerzli. Drei Daag spéter rüümt-er sin Zimmer un nimmt au e paar bsunderi Ádenke mit: e Holzhammer, wú-er mit dr Faßánstich firs Dorffeschte hätt lehre solle, un e Narrekapp, wú-nem d „Abstauber vo Eimeldinge“ zue ihrem elfjáhrige Jubilèum gschenkt hänn. Ab jetzt kann-sich dr Alt-biergermeischter in Rued sinene Quitte widme.

März 2009: D Akte Steinbach

BERLIEN/ WARSZAWA (pol). D Pole hän zum erschte Mool e Sieg in Dytschland errunge: Dur ibermässige Kritik und Bischwerde hät d Erika Steinbach igsee, dass sie nit traagbar isch als Stiftingsrootsvositzende bym Klub der Vertriebene.

April 2009: Schweinegrippe

GENÈVE (bad). D Schweinegrippe iewerfallt Dischtland ohni Kriegserklèrung. D UNO ernennt dr Prof. Dr. Novartis zem Sonderbotschafter für Eirópa. Aber au ér kann d Epidemie nit ufhalte: Alli Ditschi mien nótgslächtet werre. D Schwiz erklärt-sich neitrál un blibt als einzigschts Land in Eirópa vrschónt. Z Zírích bildet-sich e ditschi Exielregierung unter dr Leitung vum Jósef Ackermann un em Jerg Kachelmann. Dr Boris Becker z Sankt Mórítz wird midr Wiedererschaffung vum ditsche Volk biuftrait.

Mai 2009: 60 Joor Grundgesetz in Dütschland

BERLIN (pol). D Dytsche füre ihri Verfassig, wo ja aigetlig es Provisorium isch. Aber me kennts mit de Provisorie: Wenn sie aimool stöön, flickt me sie immer wieder und bhaltet sie by.

Jueni 2009: Kommünálwähle

MAINZ/ STUEGERT (bad). Vieli Partéie sinn schun gstierzt, wil-si mit ihrere Kohle nit riechtig hänn umgoh kenne: D Mainzer SPD isch aber bis jetz d einzigscht, wú-s debü nit um Geld gange isch. D Mainzer wähle grien statt schwarz – blóß ei Néger schafft-s ins Lokálpárlament. Au in dr Schwówe-Hauptstadt finde d Wähler die Plèn zem Bahnhófsneibau unterirdisch un sorige füre griener Erdrutschsieg.

Juli 2009: Oschtalgie

BRUXELLES (pol). S Eiropäische Parlament isch zum erschte mool mit em Oschteiropäer als Vorsitzender usgsattet worre. D Ehre wird em ehemoolige polnische Minischerpräsident Jerzy Buzek, wo im kadoolische Pole e Minderheit als Evangele isch, zu dail.

Auguscht 2009: Turku TouRing

TURKU/ TORNIO (bad). Dr Bádner kehrt nomól zruck für sechs Wuche in sini alti Heimet in Finnland. Im Fremdevrkehrsamt vum Turku erklärt-er dr Spánier un dr Japáner, wú-ma z Turku ám beschte Sauniere kann. Ufm Ruckwég macht-er noch Zwischestatió in dr schwédisch-finnische Grenzstädt Haparanda un Tornio ám nerdligschte Punkt vum Bottnische Meerbuese, wú selbscht bü Temprature um dr Gfrierpunkt Zammeärwert iewer d Grenze nüs stattfindet – un zwár só, daß-sich Básel noch e riese Portiún devún abschniide kennt. Bivór-er wider in dr Siede fahrt, luegt dr Bádner in Finnland ufm Aavasaksanvaara um 23 Uhr nomól zue, wie d Sunn in Schwéde um 22 Uhr untergoht.

Septämber 2009: Schwarz-Gääl

BERLIN (pol). D Waale sin umme; und wer hät am Änd gwunne? D Schwyz: Dr Staibrigg isch weg. D Sozialdemokratie hät Uflösigersschynige und Dytschland hät Schwarz-GäälD gwält.

Októwer 2009: 5 Jöhr „Bádner“

MAINZ (bad). Dr „Bádner z Mainz“ wird fünf Jöhr alt. Zem Jubilèum git d Redaktiún trotz Priefungsvórbereitunge un Referendariáte nomól alles un präsentiert ihrene treie Léser e Sunderüsgáb miteme Ruckblick uf 5 Jöhr „Bádner“.



„5 Jahre ‚Badner‘“ isch e Sunderüsgáb vum „Ein Badner in Mainz“ ánläßlig zem 5. Jubilèum vum dr Erschtüsgáb ám 23.10.2004.

„Ein Badner in Mainz – éhimóls Dr Héchtsemer Humpelndi Bot“ isch e Rübrik, wú Spaß mache soll. Alli Bileidigunge sinn nit ernschtmeint; un es sott-si au niemez ernschtnämme. Dr Vrfasser trait keinerlei Vrantwortung. Konschtruktiévi Kritik wird vum Vrfasser allerdings gern ufnumme.

E Bádner im Netz: www.badnerinmainz.de.vu.